

三才圖會

三才圖會

雲間元翰父王圻編集

男思義校正

人物十四卷

的刺普刺國

吐蕃

住輦國

不刺國

娑羅國

三首國

三身國

長人國

蒲甘國

斯伽里野國

莆家龍

羽民國

崑崙層期國

都播國

小人國

聶耳國

無腹國

交脛國

長腳國

長臂人

回回國

巢魯果訛

穿胸國

結賓郎國

沙華公國

阿薩部

阿黑驕

長毛國

大秦國

繳濮國

白達國

單馬令

柔利國

滅吉里

默伽臘國

紅夷國

吉慈厄國

頓遜國

訶條國

奇肱國

故臨國

隴木節

登流眉國

三蠻國

無齊國

不死國

懸渡國

烏菴國

波斯國

撥枚力國

昆吾國

婆羅遮國

五溪蠻

眉路骨國

藏國

麻嘉國

登山之神

鍾山之神

天吳

神陸

金神

燭陰

鵲山之神

禳泰

相抑氏

奢北

帝江

強良

黑人

驕蟲

的刺普刺國有城池民種田出明珠異寶至  
應天府行二年二個月



吐蕃號假西蕃  
本西羌屬居者  
支水而姓勃罕  
野其俗謂強雄  
曰贊大夫曰普  
故號君長曰贊  
普其後有君長  
曰論贊曰弄贊





注輦國西番南  
印度也自故臨  
易舟行而去有  
象大高背立屋  
載勇士以金銀  
爲錢國人尚氣  
輕生不同金而  
爨亦不共噐而

食



不刺係西番出羊馬至應天府一年八個月



娑羅國其國男女皆佩刃而行與人  
睦即刺殺之奔走他所一月之內得獲  
則償命一月之外出者不論



三首國在夏后啟北其人一身三首



三身國在鑿齒國東其人一首三身



長人國國人長三四丈昔明州人泛海值風大不知  
舟所稍息乃在島下登岸伐薪忽一長人其行如飛  
明州人急走至船長人追之舟人用弩射之而退



蒲甘國自大理五程至其國國王戴金冠金銀飾屋  
壁以錫爲瓦



斯伽里野國

山上有穴四季  
出火國人扛大  
石納穴中須臾  
爆出皆碎五年  
一次火出其火  
流轉海邊復回  
所遇林木不燒  
遇石焚之如炭





莆家龍在海東

南廣州發舶順

風一月可到國

王撮髻胸後人

民剃頭以椰子

釀水漿爲酒其

色紅白而味佳

出胡椒檀香沉

香丁香白豆蔻



羽民國在海東南崖巘間有人長頰鳥喙赤目  
白首生毛羽能飛不能遠似人而卵生





崑崙層斯國在西南海上有大鵬飛則蔽日能  
食駱駝拾其糞截管可作水桶有野人身如黑  
漆 國人布食誘之賣與番商作奴

都播國鐵勒  
別種分爲三  
部自相統攝  
結草爲廬不  
知耕稼以百  
合爲糧衣貂  
鹿皮鳥羽爲  
服國無刑罰  
盜者倍徵贓



東方有  
小人國  
名曰倅  
長九寸  
海鶴遇  
而吞之

故出則  
邪行



聾耳國在無腹國東其人虎文耳長過腰手  
捧耳而行



無腹國在海東南男皆無腹肚



交脛國國人脚脛曲戾而相交





長脚國人與長臂國近其人常負長臂人入海  
捕魚





長臂人在海之東人垂手至地昔有人在海中  
得一布衣袖各長丈餘

異

回回國有城池宮室田疇市列與江淮風土不



巢魯果  
託有城  
池種五  
穀出良  
馬至應  
天府馬  
行一年  
七箇月



穿胸國  
在盛海  
東胸有  
竅尊者  
去衣令  
卑者以  
竹木貫  
胸檯之



結賓郎  
國有城  
池種田  
黃頭仙  
人成道  
處至應  
天府馬  
行三年



沙華公  
國其國  
在東南  
海中其  
人常出  
大海劫  
奪人賣  
之憐聞  
沙國



阿薩部多獵蟲鹿剖其肉重疊之以石壓瀝  
汁稅波斯拂林等國米及草子釀於肉汁之  
中經數日變成酒飲之可醉






阿黑驕多人烟盡係林木無羊馬射生打魚  
爲活至慮天府行七箇月



長毛國婦人做王子身有長毛有城池種田  
至應天府行二年十箇月晉永嘉四年曾獲  
此人





大秦國西方番商萃此其王以布帛織出金  
字纏頭地產珊瑚生金花錦縵布珍珠等物

繳濮國在永昌郡南千五百里國人有尾坐則  
先穿地作穴以安其尾如誤折其尾卒然而死






白達國其國王弗霞麻勿之子孫諸國用兵不  
敢侵犯豪民多珍寶食酥酪餅肉少魚菜產金  
銀玻璃等物人以雪布纏頭上

單馬令廣州發舶自真臘國起風帆十晝夜可到其  
國有地主無王宋朝慶元二年進金三壇金傘一柄



柔利國國人曲膝向前一手一足山海經云在一目  
國東



滅言多人烟似韃靼言語至應天府馬行四  
箇月





默伽臘國有國主出珊瑚樹人用繩縛十字木以  
石沉水中棹舡枕索而取謂鐵網取珊瑚耶此



紅夷國在安  
南西北其人  
不制衣以綿  
布渾身纏裹  
以紅絹纏頭  
其形類回回  
無塩安南多  
以塩買其珍

寶




言慈厄國皆  
大山圍遶盤  
山爲城禮拜  
堂百餘所出  
金銀金絲錦  
富民居住皆  
層樓多畜  
牧駝馬地近  
西北極寒




三才圖會  
卷之四  
三十一  
頓遜國在海島上人將死親戚歌舞送於郭外有鳥  
如鵝飛來萬數家人避之其鳥食肉盡乃去即燒骨  
沉水謂之鳥葬



訶條國金遼山廟有石甕如人飲食將盡向甕行  
禮則飲食悉具



奇肱國能爲飛車從風遠行湯時以車乘西風至  
豫州湯破其車後十年東風至乃使乘車歸國



故臨國廣船四十日至藍里再一  
好帶弓中國船往大食必自故臨戶



隴木節有城池一座昔日番王子建都有百姓  
任坐至應天府馬行半年







登流眉國選人作地主椎髻纏帛敝身番王出  
座名曰登塲衆番拜罷同座交手抱兩膊爲禮

三變國民  
食土死者  
埋之心肺  
肝皆不朽  
百年復化  
爲人一說  
與無脊國  
民相類



無脊國在北海  
人無肚腸食土  
穴居男女死即  
埋之其心不朽  
百年化爲人膝  
不朽埋之百二  
十年化爲人肝  
不朽埋之八年  
化爲人



不死國在穿胸國東其  
人黑色長壽不死居園  
丘上有不死樹食之乃  
壽有赤泉飲之不老



懸渡國在烏耗之西山溪不通但引繩而渡土人但於石間壘石爲室接手而飲互相牽引所謂猿引是也



烏養國民  
有死罪不  
殺唯徙之  
空山任其  
飲啄事涉  
疑似以藥  
服之清濁  
自驗隨事  
輕重而決



波斯國國  
人身黑以  
金花布縵  
身無城郭  
王以虎皮  
蒙體出則  
乘軟兜或  
騎象出異  
寶等物



撥枝力國國  
在西南海中  
不識五穀人  
止食肉常針  
牛畜取血和  
乳生飲之身  
無衣惟腰下  
用羊皮捲之





昆吾國產寶  
鐵爲刃切如  
泥其國浮鼂  
有三層屍乾  
居上屍濕居  
下以近葬爲  
孝集大氊居  
中懸衣服絲  
繒哭祀之



婆羅遮國  
並服狗頭  
猿面男女  
無晝夜歌  
舞八月  
五日行象  
牙透索爲  
戲




五溪蠻國  
人遇父母  
死行鼓踏  
歌親屬飲  
宴一月盡  
產爲椰臨  
江高山鑿  
龕以葬三  
年不食鹽




眉路骨國有城七  
重用黑光石砌就  
有番人塚三百餘

所胡稱曰塔以毛  
段為衣肉麩為食  
金銀為錢



藏國有城池屋舍地產大柳木至應天府行一年二箇月



麻嘉國自麻雜  
西玄陸行六十  
餘程此是土神  
麻霞出世處其  
國稱神爲佛每  
年皆來禮拜廟  
後有神墓日夜  
常有光人不敢  
近



卑耳之水有俞兒  
者登山之神也長  
尺餘而人物具焉  
冠黃冠衣朱服好  
走馬齊桓公時曾  
見管子曰有霸王  
之君興俞兒見矣  
其事詳於永平府  
卑耳溪



鍾山之  
中有神  
名曰鞞  
其狀龍  
身而人  
面





朝陽谷  
有神曰  
天吳是  
爲水伯  
虎身人  
面八首  
八足八  
尾青黃  
色



崑崙之丘  
有天帝之  
神曰神陸  
一名堅吾  
其狀虎身  
人面九首  
司九域之



西方羣  
收金神  
也左耳  
有青蛇  
乘兩龍  
而目有  
毛虎爪  
執鉞



北海外鍾山

有神名曰燭

陰視爲晝瞑

爲夜吹爲冬


呼爲夏不飲

不食息氣

則爲風身長

百里其狀人

面龍身赤色



鵠山之  
神其狀  
鳥身龍  
首古者  
祠之禮  
用璋璧  
以獻



和山多蒼玉有

吉神曰禔泰謂

司其吉善者也

狀如人虎尾好

居蒼山之陽出

入有光此神動

天地氣甚靈爽


能興雲雨

見呂氏春秋

秋



崑崙之北柔利  
之東有相柳氏  
者共工之臣也  
九首人面蛇身  
青色不敢北射  
畏共之臺臺四  
方隅盡蛇虎之  
形首向南方



奢北之尸

神名在大

人國北獸

身人面大

耳珥兩

青蛇以蛇

貫耳云肝

俞之尸





天山有神形  
狀如皮囊背  
上赤黃如火  
六足四翼混  
沌無面目自  
識歌舞名曰  
帝江



大荒山  
北極外  
有口術  
蛇其狀  
虎首人  
身四蹄  
長肘名  
強良



南海之  
内巴遂  
山中有  
黑人虎  
首两手  
持两蛇  
啖之



陽靈山  
有神其  
狀似人  
而有二  
首名曰  
驕蟲

